

Spiritus Sancti Deus, per omnia saecula saeculorum. R. Amén.

**Responsorium.** Illuminare, illuminare Jerúsalem, quia venit lux tua: et glória Dómini super te orta est, Jesus Christus ex Maria Virgine.

V. Et ambulábunt gentes in lumine tuo: et reges in splendóre ortus tui.

R. Et glória Dómini super te orta est.

Orémus.

**P**éne ✠ dic, Dómine Deus omnipotens, locum istum [vel domum istam] : sicut sit in eo [vel in ea] sánitas, cástitas, victória virtus, humilitas, bónitas et mansuetúdo, plenitúdo legis, et gratiarum actio Deo Patri, et Filio, et Spirítui Sancto; et hæc benedictio maneat super hunc locum [vel super hanc domum], et super habitátes in eo [vel in ea]. Per Christum Dóminum nostrum. R. Amén.

## BENEDICTIO CANDELARUM

IN FESTO S. BLASII EP. ET MART.

V. Adjutórium, etc.

R. Qui fecit, etc.

V. Dómine, exaúdi, etc.

R. Et clamor meus, etc.

V. Dóminus vobíscum.

R. Et cum spirítu tuo.

Orémus.

**O**mnípotens et mitíssime Deus, qui omnium mundi rerum diversitates solo Verbo creásti, et ad hóminum reformatiónem illud idem Verbum, per quod facta sunt omnia, incarnári voluísti: qui magnus es, et imménsus, terríbilis atque laudábilis, ac fáciens mirabilia: pro cuius fidei confessióne gloriósus Martyr et Póntifex Blásius, diversórum tormentórum génera non pavéscens, martyrii palmam feliciter est adéptus: quique eidem, inter céteras grátias, hanc prerogativam contulísti, ut quoscúmque gútturis morbos tua virtúte curáret; magestátem tuam

supplíciter exorámus, ut non inspéctu reátus nostri, sed ejus placátus méritis et préciibus, hanc ceræ creatúram bene **✠** dicere, ac sanctificáre tua venerábili pietáte dignéris, tuam grátiam infundéndo; ut omnes, quorum colla per eam ex bona fide tacta fúerint, a quocúmque gútturis morbo ipsíus passiónis méritis liberéntur, et in Ecclésia sancta tua sani et hílares tibi gratiárum réferant actiões, laudéntque nomen tuum gloriósum, quod est benedictum in sæcula sæculórum. Per Dóminum nostrum Jesum Christum Fílium tuum: qui tecum vivit et regnat in unitáte Spiritus Sancti Deus, per ómnia sæcula sæculórum. **R.** Amén.

Aspergantur aqua benedicta.

Deinde Sacerdos terminata Missa, deposita casula et manipulo, accensis duobus cereis, ac in modum crucis apertatis, apponens illos sub mento gutturi cujusvis benedicendorum, ipsis ante Altare genuflectentibus, dicat:

Per intercessiónem sancti Blásii,

Epíscopi et Mártiris, líberet te Deus a malo gútturis, et a quolibet alio malo. In nómine Patris, et Fílii, et Spíritus Sancti. Amén.

### BENEDICTIO HERBARUM

IN FESTO ASSUMPTIONIS B. MARLE V.

Aboluta aspersione, si Festum venerit in Dominica, alioquin immediate ante majorem Missam, Officians ante Altare, conversus ad populum tenentem herbas, vel fructus, incipit voce intelligibili:

**V.** Adjutórium, etc.

**R.** Qui fecit, etc.

Deinde dicat:

Psalm. 64.

**T**e decet hymnus, Deus, in Sion: \* et tibi reddétur votum in Jerúsalem.

Exaúdi oratióem meam: \* ad te omnis caro véniet.

Verba iniquórum prævaluérunt super nos: \* et impietátibus nostris tu propitiáberis.

**B**eatus quem elegisti et assumpsisti:  
\* inhabitabit in atriis tuis.

**R**eplebimur in bonis domus tuæ: \*  
sanctum est templum tuum, mirabili  
in æquitate.

**E**xaudi nos, Deus salutaris noster: \*  
spes omnium finium terræ, et in mari  
longe.

**P**reparans montes in virtute tua,  
accinctus potentia: \* qui conturbas  
profundum maris, sonum fluctuum  
ejus.

**T**urbabuntur gentes, et timebunt,  
qui habitant terminos, a signis tuis: \*  
exitus matutini et vespere delectabis.

**V**isitasti terram, et inebriasti eam: \*  
multiplicasti locupletare eam.

**F**lumen Dei repletum est aquis, pa-  
rasti cibum illorum: \* quoniam ita est  
preparatio ejus.

**R**ivos ejus inebria, multiplica geni-  
mina ejus: \* in stillicidiis ejus lætabitur  
germinans.

**B**enedices coronæ anni benignitatis

tuæ: \* et campi tui replebuntur uber-  
tate.

**P**inguéscent speciosa deserti: \* et  
exultatione colles accingentur.

**I**nduti sunt ardetes ovium, et valles  
abundabunt frumento: \* clamabunt,  
etenim hymnum dicent.

**G**loria Patri.

**S**icut erat.

**V.** Dóminus dabit benignitatem.

**R.** Et terra nostra dabit fructum  
suum.

**V.** Rigans montes de superioribus  
suis.

**R.** De fructu óperum tuórum sa-  
tiabitur terra.

**V.** Producens fœnum jumentis.

**R.** Et herbam servituti hóminum.

**V.** Ut educas panem de terra.

**R.** Et vinum lætificet cor hóminis.

**V.** Ut exhilaret faciæm in óleo.

**R.** Et panis cor hóminis confirmet.

**V.** Misit verbum suum, et sanavit eos.

**R.** Et eripuit eos de omnibus interi-  
tionibus eórum.

V. Dómine, exaúdi, etc.

R. Et clamor meus, etc.

V. Dóminus vobiscum.

R. Et cum spíritu tuo.

O rémus.

**O**mnípotens sempitérne Deus, qui cœlum, terram, mare, visibilia et invisibilia, verbo tuo ex nihilo creásti, quique herbas, arborésque ad usus hóminum, animalíumque terram gígnere, et unumquódque juxta seméntem in semetípso fructum habére præcepísti; atque non solum ut herbæ animántibus ad victum, sed ægris étiam corpóribus prodéssent ad medicaméntum, tua ineffábili pietáte concessísti: te súpplicemente et ore deprecámur, ut has diversi géneris herbas et fructus tua cleméntia bene ✠ dícas, et supra naturálem a te índitam virtútem, eis benedictiónis tuæ novæ grátiam infúndas; ut ad usum homínibus et juméntis in nómine tuo applicatæ, ómnium morbórum et ad-

versitátum efficiántur præsidium. Per Dóminum nostrum Jesum Christum Fílium tuum: qui tecum vivit et regnat in unitáte Spíritus Sancti Deus, per ómnia sæcula sæculórum. R. Amen.

O rémus.

**D**eus, qui per Móysen fámulum tuum mandásti fíliis Israël, ut manípulos novórum frúctuum benedicéndo deferrent ad sacerdotés, tolleréntque fructus árboris pulchérissimæ, et lатарéntur coram te Dómino Deo suo: adésto propítius invocatióibus nostris, et infúnde tuæ bene ✠ dictiónis abundántiam super nos, et super manípulos novárum frugum, novárum herbárum, et frúctuum collectiónem, quæ cum gratiárum actiône tibi repræséntamus, et in nómine tuo in hac solemnitate, bene ✠ dícimus; et concéde, ut homínibus, pecóribus, pecúdibus et juméntis contra morbos, pestes, úlcerá, maleficia, incantatiónis, veneficia serpéntum, et aliórum venenosórum animalium et bes-

tiarum morsus, nec non quaecumque venena, remedium praesent: atque contra diabolicas illusiones, et machinationis, et fraudes tutamen ferant, in quocumque loco positum vel portatum aut habitum aliquid ex eis fuerit: quatenus cum manipulis bonorum operum, meritis beatae Mariae Virginis, cujus Assumptionis Festum colimus, quo ipsa assumpta est, suscipi mereamur. Per Dominum nostrum Jesum Christum Filium tuum: qui tecum vivit et regnat in unitate Spiritus Sancti Deus, per omnia saecula saeculorum.

R. Amen.

Orémus.

Deus, qui virgam Jesse, Genitricem Filii tui Domini nostri Jesu Christi, hodierna die ad caelorum fastigia ideo evexisti, ut per ejus suffragia et patrocinia fructum ventris illius, eundem Filium tuum, mortalitati nostrae communicares: te supplices exoramus; ut ejusdem Filii tui virtute, ejusque

Genitricis glorioso patrocinio, istorum terrae fructuum praesidiis per temporalem ad aeternam salutem disponamur. Per eundem Dominum nostrum Jesum Christum Filium tuum: qui tecum vivit et regnat in unitate Spiritus Sancti Deus, per omnia saecula saeculorum. R. Amen.

Et benedictio Dei omnipotentis, Patris, et Filii, et Spiritus Sancti, descendat super has creaturas, et maneat semper. R. Amen.

Postea herbae aqua benedicta aspergantur et thurificentur.

BENEDICTIO

SEMINUM ET SEGETUM

IN FESTO NATIVITATIS B. M. V.

V. Adjutorium, etc.

R. Qui fecit, etc.

V. Domine, exaudi, etc.

R. Et clamor meus, etc.

V. Dominus vobiscum.

R. Et cum spiritu tuo.

Orémus.

**D**ómine sancte, Pater omnípotens, sempitérne Deus: pétimus ac rogámus, ut hos fructus segetum ac séminum tuis serénis óculis, hilarique vultu aspícere dignéris: et sicut testátus es Móysi fámulo tuo in terra Ægypti, dicens: Dic filiis Israël, cum ingrési fúerint terram promissionis, quam te eis fúerint terram promissionis, quam te eis dabo, ut primitias fructuum suorum offerant sacerdotibus, et erunt benedicti; sic et nos rogámus te, Dómine, ut per auxilium misericórdiæ tuæ emittas super hunc fructum segetum dexteræ tuæ bene ✠ dictionem, quem ad exhibéndum proférre dignéris, ut non súbruat grando, nec aéris inundatio extérminet, sed semper incólumis permáneat, propter usum animárum et córporum, et ad bene abundántem et pleníssimam maturitátem perducere dignéris: Qui in Trinitáte perfécta vis et regnas in sæcula sæculórum.

R. Amen.

Orémus.

**O**mnípotens sempitérne Deus, coeléstis verbi seminátor et cultor, qui nostri cordis áream spiritalibus rastris exéres: adesto propítius préceibus nostris, et super agros, quibus si fúerint sémina ínsita, tuam largam benedictiónem infúnde, ac ab eis omnem vim procellárum grátia tuæ defensionis avérte; ut omnis hic fructus et tua bene ✠ dictione repleatur, et ad hórrea sine impediménto pervéniat. Per Dóminum nostrum Jesum Christum Fílium tuum: qui tecum vivit et regnat in unitáte Spíritus Sancti Deus, per ómnia sæcula sæculórum. R. Amen.

Adspergantur aqua benedicta, et, si fieri potest, thurificentur.

BENEDICTIO  
INSTRUMENTORUM ORGANI  
IN ECCLESIA.

V. Adjutórium, etc.

R. Qui fecit, etc.

**Psalmus 150.**

**L**audáte Dóminum in sanctis ejus: \*  
**L**audáte eum in firmaménto virtútis  
 ejus.

**L**audáte eum in virtútibus ejus: \*  
 laudáte eum secúndum multitudinem  
 magnítudinis ejus.

**L**audáte eum in sono tubæ: \* lau-  
 dáte eum in psaltério et cíthara.

**L**audáte eum in tympano et choro: \*  
 laudáte eum in chordis et órgano.

**L**audáte eum in cymbalis beneso-  
 nántibus, laudáte eum in cymbalis ju-  
 bilatiónis: \* omnis spíritus laudet Dó-  
 minum.

**G**loría Patri.

**S**icut erat.

**V.** Laudáte Dóminum in tympano  
 et choro.

**B.** Laudáte eum in chordis et ór-  
 gano.

**V.** Dóminus vobíscum.

**R.** Et cum spíritu tuo.

**O rémus.**

**D**eus, qui per Móysen famulum tuum  
 tubas ad canéndum super sacrificiis,  
 nómini tuo offeréndis, fácere præce-  
 písti, quique per filios Israël in tubis  
 et cymbalis laudem tui nóminis decan-  
 tári voluísti: béne **✠** dic, quæsumus,  
 hoc instruméntum organi, cúltui tuo  
 dedicátum; et præsta, ut fideles tui in-  
 cánticis spirituálibus jubilátes in ter-  
 ris, ad gáudia ætérna pervenire mere-  
 ántur in cœlis. Per Dóminum nostrum  
 Jesum Christum Fílium tuum: qui te-  
 cum vivit et regnat in unitáte Spíritus  
 Sancti Deus, per ómnia sæcula sæcu-  
 lórum **R.** Amen.

**BENEDICTIO****VEXILLI PROCESSIONALIS.**

**V.** Adjutórium, etc.

**R.** Qui fecit, etc.

**V.** Dóminus vobíscum.

**R.** Et cum spírítu tuo.

**O**rémus.

**D**ómine Jesu Christe, cujus Ecclésia est véluti castrórum ácies ordináta: béne ✠ dic hoc vexillum; ut omnes sub eo tibi Dómino Deo exercítuum militántes, per intercessiónem beáti **N.** (vel beátæ **N.**) inimícos suos visíbiles et invisíbiles in hoc sæculo superáre, et post victóriam in cælis triumpháre mereántur. Per te, Jesu Christe, qui vivis et regnas cum Deo Patre et Spírítu Sancto, in sæcula sæculórum.

**R.** Amen.

Deinde Vexillum aspergat aqua benedicta.

**BENEDICTIO**

**PRIMARIJ LAPIDIS AEDIFICII.**

**V.** Adjutórium, etc.

**R.** Qui fecit, etc.

**V.** Dóminus vobíscum.

**R.** Et cum spírítu tuo.

**O**rémus.

**D**eus, a quo omne bonum sumit infítium, et semper ad potióra progrédiens pécipit incrementum: concéde quæsumus, supplicántibus nobis; ut quod ad laudem nóminis tui inchoáre aggredimur, ætérno tuæ patrénæ sapiéntiæ múnere perducátur ad términum. Per Christum Dóminum nostrum. **R.** Amen.

**BENEDICTIO**

**VIAE FERREÆ ET CURRUUM.**

**V.** Adjutórium, etc.

**R.** Qui fecit, etc.

**V.** Dóminus vobíscum.

**R.** Et cum spírítu tuo.

**O**rémus.

**O**mnípotens sempítérne Deus, qui ómnia eleménta ad tuam glóriam, uti-



litatémque hóminum condidisti: dignáre, quæsumus, hanc viam férream, ejúsque instruménta bene ✠ dicere, et bénigna semper tua providéntia tué-ri; ut dum fámuli tui velociter próperant in via, in lege tua ambulántes, et viam mandatórum tuórum curréntes, ad cœléstem pátriam feliciter pervénire váleant. Per Christum Dóminum nostrum. **R.** Amen.

**O**remus.

**P**ropitiáre Dómine Deus supplicatió-  
nibus nostris, et béne ✠ dic currus  
istos déxtera tua sancta: adjúnge ad  
ipso sanctos Angelos tuos, ut omnes  
qui in eis vehéntur, líberent et custó-  
diant semper a periculis univérsis: et  
quemádmódum viro Æthíopi super cur-  
rum suum sedénti, et sacra elóquia  
legénti, per Levítam tuum Philíppum  
fidem et grátiam contulísti; ita fámu-  
lis tuis viam salútis osténde, qui tua  
grátia adjúti, bonisque opéribus júgi-  
ter inténti, post omnes viæ et vitæ hu-

jus varietátes, æténa gáudia cónse-  
qui mereántur. Per Christum Dómi-  
num nostrum. **R.** Amen.

**Deinde Sacerdos aspergat viam et  
currus aqua benedicta.**

**BENEDICTIO PONTIS NOVI.**

**V.** Adjutórium, etc.

**R.** Qui fecit, etc.

**V.** Dóminus vobíscum.

**R.** Et cum spíritu tuo.

**O**remus.

**A**désto, Dómine, supplicatió-nibus nos-  
tris: et pontem istum, et omnes qui  
per eum transibunt, béne ✠ dicere  
dignáre; ut inter próspéra hujus mun-  
di et advérsa tuo semper protegántur  
auxílio. Per Christum Dóminum nos-  
trum. **R.** Amen.

O rémus.

**L**ixaúdi nos, Dómine sancte, Pater omnípotens, aéterne Deus: et mittere dignáre sanctum Angelum tuum de cœlis, qui custódiat, vísitet, et deféndat pontem istum, et omnes qui per eum transibunt. Per Christum Dóminum nostrum. **R.** Amen.

Deinde aspergat aqua benedicta.

BENEDICTIO FONTIS.

- V.** Adjutórium, etc.  
**R.** Qui fecit, etc.  
**V.** Dóminus vobíscum.  
**R.** Et cum spírítu tuo.

O rémus.

**S**úpplices deprecámur, Dómine, cleméntiam pietátis tuæ: ut aquam fontis hujus cœlésti benedictióne sancti ✠ fices, et ad commúnem vitæ usum con-

cédas esse salúbrem; et ita omnem diabólicæ tentatiónis incúrsum inde fugáre dignéris, ut quicúmque ex eo háuserint vel biberint, vel in quibuscúmque necessariis úsibus hausta aqua usi fúerint, totíus virtútis ac sanitátis dulcédine perfruántur, tibi que sanctificatóri et salvatóri ómnium Dómino grátias ágere mereántur. Per Christum Dóminum nostrum. **R.** Amen.

Fontem aspergat aqua benedicta.

BENEDICTIO PUTEI.

- V.** Adjutórium, etc.  
**R.** Qui fecit, etc.  
**V.** Dóminus vobíscum.  
**R.** Et cum spírítu tuo.

O rémus.

**D**ómine Deus omnípotens, qui in hujus pútei altitúdinem per crepídinem fistulárum cópiam aquárum manáre

jussisti: præsta, ut te juvante atque bene **✠** dicente per nostræ officium functionis, repulsis hiuc phantasmaticis collusionibus, ac diabólicis insidiis, purificatus atque emundatus semper hic puteus perseveret. Per Christum Dóminum nostrum. **R.** Amen.

**Puteum aspergat aqua benedicta.**

**BENEDICTIO IGNIS.**

- V.** Adjutorium nostrum in nómine Dómini.  
**R.** Qui fecit cælum et terram.  
**V.** Dóminus vobiscum.  
**R.** Et cum spíritu tuo.

**Orémus.**

**D**ómine Deus, Pater omnipotens, lumen indeficiens, qui es conditor omnium lúminum: novum hunc ignem sancti **✠** fica; et præsta, ut ad te, qui es lumen indeficiens, puris mentibus,

post hujus sæculi caliginem pervenire valeamus. Per Christum Dóminum nostrum. **R.** Amen.

**Deinde aspergat aqua benedicta.**

**BENEDICTIO SEMINUM.**

- V.** Adjutorium, etc.  
**R.** Qui fecit, etc.  
**V.** Dóminus vobiscum.  
**R.** Et cum spíritu tuo.

**Orémus.**

**T**e rogamus, Dómine, ac pétimus: ut hos fructus séminum bene **✠** dicere, plácido lenis auræ afflátu fóvere, rore cælesti fecundare, et incólumes propter usum animárum et córporum ad plenissimam maturitatem perdúcere dignéris. Per Christum Dóminum nostrum. **R.** Amen.

**Deinde aspergat aqua benedicta.**

BENEDICTIO  
ADULTI ÆGROTANTIS.

Sacerdos cubiculum ægrotantis ingrediens dicat:

- V. Pax huic dómui.  
 R. Et omnibus habitántibus in ea.  
 Et continuo ad infirmum accedens subjungat:
- V. Adjutórium, etc.  
 R. Qui fecit, etc.  
 V. Dómine, exaúdi, etc.  
 R. Et clamor meus, etc.  
 V. Dóminus vobíscum.  
 R. Et cum spírítu tuo.

O rémus.

Intróeat, Dómine Jesu Christe, domum hanc ad nostræ humilitátis ingressum pax et misericórdia tua: effúgiat ex hoc loco omnis nequítia dæmonum, adsint ángeli pacis, domúmque hanc désérat omnis maligna discórdia. Mag-

nífica, Dómine, super nos nomen sanctum tuum: et bénedic nostræ conversatióni: Qui sanctus et pius es, et permanes cum Patre et Spírítu Sancto in sæcula sæculórum. R. Amen.

O rémus.

Réspice, Dómine, fámulum tuum (vel fámulam tuam) in infirmitáte corpóris laborántem, et ánimam réfove quam creásti: ut castigatióibus emendátus (vel emendáta), continuo se sentiat tua miseratióne salvátum (vel salvátam). Per Christum Dóminum nostrum. R. Amen.

O rémus.

Miséricors, Dómine, fidélium consolátor, quæsumus imménsam pietátem tuam, ut ad intróitum humilitátis nostræ hunc fámulum tuum (vel hanc fámulam tuam) super lectum dolóris sui jacéntem, visitáre dignéris, sicut sorum Simónis visitásti: propítius adés-

to ei, Dómine, quátenus prístina sanitate recépta, grátiarum tibi, in Ecclé-  
sia tua, réferat actiões: Qui vivis et  
regnas Deus in sæcula sæculórum.

R. Amen.

Deinde, extendens dexteram versus  
caput ægroti, dicat:

Dóminus Jesus Christus apud te  
sit, ut te deféndat: intra te sit, ut  
te consérvet: ante te sit, ut te du-  
cat: post te sit, ut te custódiat: su-  
per te sit, ut te benedicat: Qui cum  
Patre et Spírítu Sancto vivit et regnat  
in sæcula sæculórum. R. Amen.

Benedictio Dei omnipoténtis, Pa-  
tris, et Fílii, et Spírítus Sancti, de-  
scéndat super te, et máneat semper.

R. Amen.

Denum aspergat infirmum aqua be-  
nedicta.

## EADEM BENEDICTIO

## PRO PLURIBUS INFIRMIS.

Sacerdos cubiculum ægrotantium in-  
grediens dicat:

V. Pax huic dómui.

R. Et ómnibus habitántibus in ea.

Et continuo ad infirmos accedens  
subjungat:

V. Adjutórium nostrum in nó-  
mine Dómini.

R. Qui fecit cælum et terram.

V. Dómine, exaúdi, etc.

R. Et clamor, etc.

V. Dóminus vobiscum.

R. Et cum spírítu tuo.

O rémus.

Intróeat, Dómine Jesu Christe, domum  
hanc ad nostræ humilitátis ingrèssum  
pax et misericórdia tua: effúgiat ex  
hoc loco omnis nequítia dæmonum, ad-  
sint ángeli pacis, domúmque hanc dé-  
serat omnis málgna discórdia. Mag-

nífica, Dómine, super nos nomen sanctum tuum: et benedic nostræ conversationi: Qui sanctus et pius es, et permanes cum Patre et Spíritu Sancto in sæcula sæculórum. **R.** Amen.

**O**remus.

**R**espice, Dómine, fámulos tuos (vel fámulas tuas) in infirmitate córporis laborantes, et ánimas réfove quas creásti: ut castigatióibus emendati (vel emendatæ), continuo se sentiant tua miseratióne salvátos (vel salvátas). Per Christum Dóminum nostrum.

**R.** Amen.

**O**remus.

**M**isericors Dómine, fidélium consolátor, quæsumus imménsam pietátem tuam, ut ad intróitum humilitátis nostræ hos fámulos tuos (vel has fámulas tuas) super lectum doloris sui jacéntes, visitáre dignéris, sicut soerum Simónis visitásti: propítius adésto eis,

Dómine, quátenus prístina sanitáte recépta, gratiárum tibi, in Ecclésia tua, réferant actiões: Qui vivis et regnas Deus in sæcula sæculórum. **R.** Amen.

**Deinde, extendens dexteram versus ægrotos, dicat:**

**D**óminus Jesus Christus apud vos **✠** sit, ut vos deféndat: intra vos **✠** sit, ut vos consérvet: ante vos **✠** sit, ut vos ducat: post vos **✠** sit, ut vos custódiat: super vos **✠** sit, ut vos benedicat: Qui cum Patre et Spíritu Sancto vivit et regnat in sæcula sæculórum. **R.** Amen.

Benedíctio Dei omnipoténtis, Patris, et Filii **✠**, et Spíritus Sancti, descéndat super vos, et máneat semper.

**R.** Amen.

**Demum aspergat infirmos aqua benedicta.**

## BENEDICTIO

## MULIERIS PRÆGNANTIS.

## IN PERICULIS PARTUS.

- V. Adjutórium, etc.  
 R. Qui fecit, etc.  
 V. Salvam fac ancillam tuam.  
 R. Deus meus, sperántem in te.  
 V. Esto illi, Dómine, turris fortitú-  
 dinis.  
 R. A fácie inimíci.  
 V. Nihil proficiat inimícus in ea.  
 R. Et fílius iniquitátis non appó-  
 nat nocére ei.  
 V. Mitte ei, Dómine, auxiliúm de  
 sancto.  
 R. Et de Sion tuére eam.  
 V. Dómine, exaúdi, etc.  
 R. Et clamor meus, etc.  
 V. Dóminus vobíscum.  
 R. Et cum spírítu tuo.

## Orémus.

Omnípotens sempitérne Deus, qui de-  
 díxisti fámulis tuis in confessióne ve-

ræ fidei æternæ Trinitátis glóriam ag-  
 nóscere, et in poténtia majestátis adó-  
 ráré unitátem: quæsumus; ut ejúsdem  
 fidei firmitáte hæc fámula tua **N.** ab  
 ómnibus semper muniátur advérsis.  
 Per Christum Dóminum nostrum.

R. Amen.

## Orémus.

Dómine Deus, ómnium Creátor, fortis  
 et terríbilis, justus et miséricors, qui  
 solus bonus et pius es; qui de omni ma-  
 lo liberásti Issraël, faciens tibi patres  
 nostros diléctos, et sanctificásti eos  
 manu Spíritus tui; qui gloriósæ Vír-  
 ginis Mariæ corpus et ánimam, ut dig-  
 num Fílii tui habitáculum éffici mere-  
 rétur, Spírítu Sancto cooperánte præ-  
 parásti; qui Joánnem Baptistam Spí-  
 rítu Sancto replésti, et in útero matris  
 exsultáre fecísti: áccipe sacrificiúm cor-  
 dis contríti, ac fervens desidérium fá-  
 mulæ tuæ **N.**, humíliter supplicántis  
 pro conservatióne prolis, quam ei de-  
 díxisti concípere: custódi partem tuam,

et ab omni dolo et injúria duri hostis defénde; ut obstetricánte manu misericórdiæ tuæ fœtus ejus ad lucem prospere véniat, ac sanctæ generatióni servétur, tibi que in omnibus júgiter desérviat, et vitam conséqui mereátur ætérnam. Per eúndem Dóminum nostrum Jesum Christum Fílium tuum: qui tecum vivit et regnat in unitáte Spíritus Sancti Deus, per ómnia sæcula sæculórum. R. Amen.

Deinde Mulier aspergatur aqua benedicta, et interim dicatur Ps. 66. Deus misereátur nostri, ut ad calcem libri, cum Glória Patri in fine.

V. Benedicámus Patrem, et Fílium, cum Sancto Spíritu.

R. Laudémus et superexaltémus eum in sæcula.

V. Angelis suis Deus mandávit de te.

R. Ut custódiat te in ómnibus viis tuis.

V. Dómine, exaúdi, etc.

R. Et clamor meus, etc.

V. Dóminus vobíscum.

R. Et cum spíritu tuo.

Orémus.

Vísita, quæsumus Dómine, habitatió-nem istam, et omnes insídias inimíci ab ea, et a præsentí fámula tua N. longe repélle: Angeli tui sancti hábitent in ea, qui eam et ejus prolem in pace custódiat, et bene ✠ dítio tua sit super eam semper. Salva eos, omní-potens Deus, et lucem eis tuam concéde perpétuam. Per Christum Dóminum nostrum. R. Amen.

Benedictio Dei omnipoténtis, Patris ✠, et Fílii ✠, et Spíritus ✠ Sancti, descéndat super te, et prolem tuam, et máneat semper. R. Amen.

## BENEDICTIO INFANTIS.

V. Adjutórium, etc.

R. Qui fecit, etc.



- V. Deus noster miseretur.  
 R. Custodiens párvulos Dóminus.  
 V. Dómine, exaúdi, etc.  
 R. Et clamor meus, etc.  
 V. Dóminus vobíscum.  
 R. Et cum spírítu tuo.

Orémus.

Dómine Jesu Christe, Fili Dei vivi, qui ante ómnia sæcula génitus, in témpore tamen infans esse voluísti, et hujus ætátis dīligis innocéntiam; qui párvulos tibi oblátos amánter complexus es, íisque benedixísti: infántem istum præveni in benedictiónibus dulcédinis, et præsta, ne malítia mutet intelléctum ejus; eíque concéde, ut proficiens ætáte, sapiéntia et grátia, tibi semper placére váleat. Qui vivis et regnas cum Deo Patre in unitáte Spírítus Sancti Deus per ómnia sæcula sæculórum.

R. Amen.

Deinde infanтем aspergat aqua benedicta in modum crucis, dicens:

Pax et benedictio Dei omnipotentis, Patris, et Fílii ✠, et Spírítus Sancti, descendat super te, et máneat semper.

R. Amen.

¶ Si fuerint plures, Oratio et Benedictio dicantur in numero plurali.

### BENEDICTIO PUERORUM

CUM PRÆSERTIM IN ECCLESIA PRÆSENTANTUR.

Die et hora constitutis, pueri conveniant in Ecclesiam, quos ibi a parentibus vel magistris associari maxime deceret, ut in silentio et modestia facilius se componant. Quibus per ordinem dispositis, et pueris a puellis, si adsint, separatis, Sacerdos ad ipsos accedat, et brevissimo ac simplici sermone eos alloquatur, prout opportunum sibi visum fuerit.

Deinde stans versus eos dicat:

V. Adjutórium, etc.

R. Qui fecit, etc.

Antiphona. Laudáte púeri Dóminum, laudáte nomen Dómini.

Psalmus 112. incipitur a secundo versu: Sit nomen Dómini. ut supra.

Et repetitur Antiph.: Laudáte púeri Dóminum, laudáte nomen Dómini.

Qui Psalmus cum sua Antiphona, si paucis tantum, aut minus solemniter conferatur Benedictio, omitti poterit.

Finito Psalmo et repetita Antiphona, Sacerdos dicit:

V. Sinite párvulos venire ad me.

R. Tálum est enim regnum cœlorum.

V. Angeli eórum.

R. Semper vident faciém Patris.

V. Nihil proficiat inimicus in eis.

R. Et filius iniquitátis non appónat nocére eis.

V. Dómine, exaúdi, etc.

R. Et clamor meus, etc.

V. Dóminus vobiscum.

R. Et cum spíritu tuo.

Orémus.

Dómine Jesu Christe, qui párvulos tibi oblátos et ad te veniéntes compléxus es, manúsque super illos impónens benedixísti eis, atque dixísti: Sinite párvulos venire ad me, et nolíte prohibére eos, tálum est enim regnum cœlorum, et Angeli eórum semper vident faciém Patris mei; respice, quæsumus, ad puerórum (vel puellárum, si solæ adsint puellæ) præsentium innocéntiam, et ad eórum paréntum devotió-nem, et cleménter eos (vel eas) hódie per ministérium nostrum béne ✠ dic; ut in tua grátia et misericórdia semper proficiant, te sápiant, te díligant, te tímeant, et mandáta tua custódiant, et ad finem optátum feliciter pervéniant: per te, Salvátor mundi, qui cum Patre et Spíritu Sancto vivis et regnas Deus in sæcula sæculórum. R. Amen.

Orémus.

Defénde, quæsumus Dómine, beáta María semper Vírgine intercedénte, istam

ab omni adversitate familiam: et toto corde tibi prostratam, ab hostium propitius tuere clementer insidiis. Per Christum Dnm nostrum. R. Amen.

Orémus.

Deus, qui ineffabili providentia sanctos Angelos tuos ad nostram custodiam mittere dignaris: largire supplicibus tuis; et eorum semper protectione defendi, et aeterna societate gaudere. Per Christum Dnm nostrum. R. Amen.

Postea manu dextera producens signum crucis super pueros, benedicit eos, dicens:

Benedicat vos Deus, et custodiat corda vestra et intelligentias vestras, Pater, et Filius  $\text{✝}$ , et Spiritus Sanctus.

R. Amen.

Deinde aspergat pueros aqua benedicta in modum crucis.

---

## BENEDICTIO

## PUERORUM AEGROTANTIUM.

Pueri infirmi, qui ad hunc usum rationis pervenerunt, ut ipsis preberi possit Sacramentum Extremæ Uctionis, iis adjuventur exhortationibus et precibus, quæ describuntur in Rituali Romano, ubi de visitatione et cura Infirmorum, prout feret temporis opportunitas, et eorundem aegrotantium status.

Verum pro cæteris junioribus pueris infirmis adhiberi poterunt sequentes preces.

Sacerdos igitur infirmi cubiculum ingressus, primum dicat:

V. Pax huic dómui.

R. Et ómnibus habitántibus in ea.

Mox infirmum et lectum ejus et cubiculum aspergat nihil dicens.

Deinde dicere poterit supra infirmum Psalm. 112.